



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Brevis Synopsis Vitæ, Ac Virtutum P. Antonii Ivlii Brignole
E Societate Iesv**

Visconti, Giovanni Maria

Antverpiæ, 1671

Translator Lectori.

urn:nbn:de:hbz:466:1-43372

TRANSLATOR
LECTORI.

S.

Suffragatus curis meis gravioribus tantillum otii, quo tibi, & universo orbi, etiam hæc gesta P. Antonii Iulii Brignole publici iuris facerem; sicut feci non ita pridem in transferenda vita Cæsaris Caietani Novitii nostræ Societatis, quam multis non displicuisse, est quod mihi gratuler. Breviter monitum te volui benevole Lector me sequutum prope de verbo ad verbum phrasim Italicam Autoris P. Ioannis Mariæ Visconte, ne quæsitis phaleris nudam veritatem, quæ simplicitate gaudet, periculo exponerem, pigmentis non necessariis offuscandi: nec enim

enim viri spectata virtus, iis fucis indi-
get ad commendationem. Exemplum de-
dit huic seculo eiusmodi, vir id ætatis,
& dignitatis plane eximius & admiran-
dus, quod ascititiis coloribus obscuretur
potius, quam illustretur. Vitiosa larvam
ambiunt ut pallientur & decipiant; non
quæ ex sua virtute pretium habent. Quæ-
cumque hic leges virtutum in religiosa vita
prorsus singularium, humilitatis, zeli
animarum, internæ externæque mortifi-
cationis, contemptus sui, laboris indefes-
si, regularis observantiæ, obedientiæ &
unionis cum Deo non intermissæ docu-
menta, in quorum exercitatione vixit per-
petuo & immortalis est; imitationem po-
stulant potius quam oblectationem; quam-
vis nec hæc fortasse defutura est iis, qui
temporem suum gaudent eiusmodi admini-
culis excuti, & inflammari ad fervorem.
Omnibus indiscriminatim qui suæ alio-

rumque salutem ex professo incumbunt, hoc
opus utile fore confido: sed potissimum
eos, qui verbi Dei praeconio affixi sunt,
hic compello; ut ab hoc Paulo discant,
non in persuasibilibus humanae sapientiae
verbis, non in commodorum sectatione,
& auditorum acclamatione, ac nescio
quibus lenociniis sui, & aliorum, sibi ab-
blandiri: sed quod apostolici muneris est,
annuntiare Christum & hunc cru-
cifixum magis factis quam verbis; quo-
rum haec aërem verberant, illa in corda
etiam lapidea impetum faciunt, ut emol-
liant, & muros Iericho ad tubae evangeli-
cae clangorem subvertant. Haec Charisma-
ta meliora aemulentur, quibus semen verbi
divini commissum est, ut aliquando audire
mereantur illud Patris familias caelestis,
quando veniet operariis suis distributurus
mercedem: Euge serve bone & fidelis,
quia super pauca fuisti fidelis; talen-
ta

ta mea bene ad censum collocasti; lanam
ovium mearum non totondisti, sed eas her-
bis salubribus pavisti; ubi latrandum erat;
voci non pepercisti; plus vita quam ser-
monibus docuisti; & gloriam meam ubique
opportune importune propagare studuisti,
intra in gaudium Domini tui, qui
strenue pro se laborantes denario dignatur
aeternae beatitudinis, hoc est fruitione sum-
mi boni, ad quod ut finem ultimum, nisi
decipi malimus unice adspirandum: quod
ut cunctis eveniat serio opto. Nec aliud
habeo quod adiciam; nisi velle me ut scias,
Tibi huius libelli translationem non tam
mibi acceptam referendam, quam R. P.
Nathanaeli Sotuello; qui iterum huius Sy-
nopsis exemplar Italicum mihi submittere
Roma dignatus est, ut per me latine lo-
queretur. Vale, & frueri.

PRO-